




661



毘陵集

二

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta


White

3/Color

Black

Inches

1 2 3 4 5 6 7 8 9 10 11 12 13 14 15 16 17 18 19



皇朝集卷第六

制款大夫使持節益州都督軍府常州刺史賜紫金魚袋

張九齡

景皇帝 賜以天書



故太保 賜以天書 賜以天書 賜以天書 賜以天書


故御史中丞 賜以天書

故左武衛大將軍 賜以天書 賜以天書 賜以天書 賜以天書

國公 賜以天書 賜以天書 賜以天書 賜以天書

故江陵尹兼御史大夫呂溫 賜以天書 賜以天書 賜以天書 賜以天書





毘陵集卷第六

朝散大夫使持節常州諸軍事守常州刺史賜紫金魚袋獨孤及
議九首

景皇帝配昊天上帝議

故太保韓國公贈太師苗晉卿謚議

故御史中丞盧奕謚議

故左武衛大將軍使持節隴右節度經略大使

兼鴻臚卿御史中丞贈梁州都督太原郡開

國公郭知運謚議并酬荅三首

故江陵尹兼御史大夫呂誼謚議并酬荅三首

行狀一首

唐故尚書祠部員外郎贈陝州刺史裴積行狀

景皇帝配昊天上帝議 永泰二年

謹按禮經王者禘其祖之所自出以其祖英華作而以祖配之
 凡受命始封之君皆為太祖繼太祖以英華無以字唐志會要有下
 六廟則以親盡迭毀於英華作而太祖之廟雖百代不遷此
 五帝三王所以尊祖敬宗也故受命於神宗禹也而夏
 后氏祖顓頊而郊鯀繼禹黜夏湯也而殷人郊冥而祖
 契革命作周武王也而周人郊稷而祖文王則明自古
 必以首封之君配昊天上帝唯漢氏文粹無氏字崛起豐沛

豐公太公皆無位無功德不可以為祖宗故漢以高皇

帝為太祖其先細英華無細字微故也非足為後代法伏唯

太祖景皇帝以柱國之任翼周弼魏肇啓文粹作成王業建

封於唐高祖因之遂以為有天下之號天所命也亦猶

契之封商后稷之封邰禘郊宗祖之位宜在百代不遷

之典郊祀太祖宗祀高祖入字文粹但作郊禮高祖非猶周之祖文

王而宗武王也今若以高祖創業當躋其祀是棄三代

之令典遵英華作尊漢氏文粹作代之末制黜景皇帝之大業同

於豐公太公之不祀反古違道失英華作斯孰甚焉失孰甚焉舊唐

志孰莫大焉會要作孰將甚焉夫追尊景皇帝廟號太祖高祖太宗所

以崇尊尊三字英華作崇尊會要作尊崇之禮也時更七聖載經二百

名臣碩儒備經討論未嘗有獻同異於宗廟今將議其

全典變更先聖制度曷知其可自時更至此四字英華無若配天

之位既易唐志作異則太祖之號宜廢祀之不脩廟亦當毀

尊祖報本之道其墜於地乎漢制擅議宗廟以大不敬

論今武德貞觀之憲章未改國家方將敬祀事以和神

人禘郊之閒恐非所宜臣謹稽禮文二字英華作禮之舊文參諸

夏殷周漢故事配饗天帝四字英華作配食天地之制自謹稽至

作謹稽禮文參諸往制請仍舊典英華作禮謹議

故太保贈太師韓國苗公諡議懷玉按此題與目錄不合文粹又作

唐丞相故太保贈太師苗晉卿諡議未知孰是

太師稟天純懿為唐股肱兩朝當國庶績唯允論道賦

政送往事居協恭秉彝動罔違德惠和以懋其事明哲

以保其身昔嘗懸衡九流剖竹四郡刀尺之下無滌文粹

作滯用襦袴之間無貧人洛陽居守東夏輯睦天寶之季

二京為戎皇輿西狩億兆左衽太師踐危機不易心處

橫潰不忘國奮身拔跡于豺狼之口道不污而節不奪

忠之大者至德乾元年文粹無中字天下多故皇綱未張

肅宗循文粹作脩漢宣故事用刑名繩下而太師以曹參為

師持清靜守職勵翼王度將順事典人亦寧一厥猷茂

三亦有生齋校本

焉能知人能官人慎選乃僚言刈其楚至有拔羣萃而
取公器不五六年比肩袞職者光映策府當代榮之漢
史稱胡廣與故吏陳蕃竝為三司太師有焉夫九德咸
事寬之為首百工惟時能哲則惠文粹作哲則能惠宜其享天
眉壽為國元老古者生以行觀其志歿以諡易其名諡
之美惡視行之大小後代或三字以表其德貞惠文子
是也或二字以彰善鄴文終侯畱文成侯是也蓋有績
二字文粹作其跡大名盛則禮優諡崇太師德冠搢紳位侔周
召將加誅諡之制宜以鄴畱為準謹按大戴禮體和居
中曰懿文賢有成曰獻稽千載之令典合二名以配德

請諡曰懿獻謹議

故御史中丞盧奕諡議

時任太常博士

盧奕剛毅朴

朴字舊唐書會要同英華作而

忠直方而清勵精吏事所

居可紀天寶

十四載洛陽覆沒于時東州人士狼狽鹿

駭猛武

英華作虎

磨牙而爭其肉居位者皆欲保性命而完

妻子或先策高足

四字英華作競先策蹇

爭脫羿殼或不恥苟活

甘飲盜泉奕獨正身守位

英華位下有蹈字諸本無

義不去以死全

節誓

英華誓下有之字諸本無

不辱勢窘力屈以朝服受

英華作就

執猶

忼慨感憤

英華無感憤二字

數賊梟獍之罪觀者股栗奕不變

色

文粹無猶忼慨至變色十九字

西向而辭君

英華無君字舊唐書作西北面辭君會要作西

面辭會要然作而後受害雖古烈士方之者鮮矣或曰洛陽

之存亡操兵者實任其咎非執法吏所能抗師敗文粹無敗

字將犇去之可也委身寇讐以死誰懟及以爲不然勇

者禦文粹有而字忠者守必社稷是衛則死生以之危而去

之是智免也忠於舊唐書文粹作於忠何有蓋舊唐書作昔苟息殺身

於晉不食其言也仲由結纓於衛舊唐書不避上有食焉二字不避

其難也元冥文粹作石正勤其官而水死守位而忘軀也伯

姬待保姆而火死先禮而後身也彼四人者死之日皆

於事無補夫豈愛死而賈禍也以爲死輕於義故蹈義

而英華無而字捐生古人書之使事君者勸然則祿山之亂

大於里克英華作不孔悝會要二唐書悝下有奕字廉察之任切於元冥

之官分命所繫不啻保姆逆黨兵威烈舊唐書作甚於水火

於斯時也能與執干戈者同其戮力挽之不來推之不

去豈不以師可虧義英華作免不可苟身可殺節不可奪故

全其操持舊唐書作特操於白刃之下孰與夫文粹無夫字懷安偷

生者同其風哉謹按諡法圖國忘死舊唐書作身下同曰貞秉

德遵業曰烈奕執憲戎馬之閒志藩王室可謂圖國矣

國危不能救英華作拯而繼之以死可謂忘死矣歷官十一

任言必正事必果而清節不撓去之若始至可謂秉德

矣英華無矣字据英華補下同先時英華無時字是黃門以直道佐時奕嗣之以

忠純可謂遵業矣請諡曰貞烈謹議

故左武衛大將軍持節隴右節度經略大使兼鴻臚卿御史中丞贈梁州都督太原郡開國公郭知

運諡議

博士獨孤及英華無議曰郭知運驍勇有謀善文粹有

用兵起行間為唐上將當時唐興百餘載矣天下充富

太倉有二十年之蓄元宗循文粹同英漢武故事方銳

意拓土知運適與時會遂英華有乘天威奮其材力敢

敗吐蕃誅康待賓隴坻文粹以西烽火為息慰薦麾下

英華與虜確故能破默啜可汗以靖其英華文粹北庭

吏士任必以才往往超倫績用茂著王君奐文粹誤以

果勇代處分閩之寄牛仙客出將入相以清幹信謹稱

斯又獎拔之明也當時議者謂知運與郭虔瓘王峻薛

訥竝為中興名將至今隴上將士思之或有起祠宇於

故城遺壘尸而祝之者上元中肅宗加太公望以武成

王之號知運列於配食之位則是文粹勳伐事業宜有

以美稱易其名者謹按諡法服叛懷遠曰威易曰厥孚

威如繫辭曰弧矢之利以威天下虞書曰董之用威傳

曰非威非懷何以示德則威者聖人所以佐仁義以濟

文粹天下者也施於名號可以表將帥之德請諡知運

曰威謹議

附崔履駁議

左司員外郎崔履議曰郭知運承恩詔葬向五十會要

字年今請易名竊恐非禮謹按禮經英華云禮時為大

又曰過時不通典會要為禮也昔衛公叔文子卒將葬

其子戌請諡於君曰日月有時將葬矣請通典會要有

易其名者蓋時不可踰也節度既通典有名不浮行數

紀之間英華無前門生故吏已合謀諡今乃申請竊將

有為而作節度嗣子英又頃屬多故屢制方隅朝廷策

勳位表端揆附從者竊不中之文粹脫禮會無妄之求

況節度當開元之英華無初賜贈特加碑誌竝建英華

等皆出恩命追悼之遇文粹亦已當矣今又鹵莽外於

典章追送往之闕遺啓將來之冒昧況今裂土者接畛

專征者百輩若率而行之誰曰無請不唯有司疲於簡

牘抑恐名器等於草芥雖欲曲全竊將不可又禮經云

已孤暴貴不為父作諡若節度合諡而不以其時則嗣

子廢先君之德若不合諡而苟遂其志則先君因嗣子

而見尊以僕射而言之英華無恐貽越禮之議英華以

國家而言之英華無又殊旌善之體請下太常重議謹

議

博士獨孤及英華無議曰禮時為大順次之葬將二字

作將次葬按易名時也有故文粹作闕禮追遠請諡順

也假如諸侯五月而葬魯惠公之薨也有宋師一本師

子少葬有至隱公元年十月而文粹改葬不以踰時英

關六字有而廢禮又公叔戌請諡適當葬前謹按禮經二字通

作三百禮經會不言已葬則不可追諡况帝王殊途不

相沿襲會要新禮會要則死必有諡不云日月有時今

請易名者五家無非葬後苗太師一年矣呂譔四年矣

盧奕五年矣顏杲果本作卿八年矣竝荷褒寵無異同

之論獨知運以其子不幸遂以過時見抑苟必以已葬

未葬為節則八年與五十年其緩會要一也而與奪殊

制無乃不可乎議云已孤暴貴不為父作諡此謂其父

無位而子居大官英華作不當以己通典之貴加榮於

父也禮不云乎父為士子為大夫葬以士禮英華若知

運者處方面之寄通典會位列九卿茂勳崇名與衛霍

侔飾終之禮宜加於他將一等豈待因依嗣子然後作

諡今之專征舊作政據英華者字下通典會要有卒

字雖逢風雲化為侯王其其字通典會要

知運齒者鮮矣通典會要與知運柰何通典作懼名

器等於草芥以是殺通典會禮竊謂近誣乾元以來累

有詔追贈百官祖父內外文武具寮之先悉蒙恩錫或音徽久沫或墓木已拱受大名貴位於九原者以萬數未嘗以沒代遠近為限夫贈諡一也贈者一時之寵諡者不刊之令今以歲久而廢易名是王澤浹於天下而獨隔於一人也當開元二年吐蕃以舉國之師入五原塞擊柝之聲聞於咸英華作秦雍知運與郭虔瓘英華有等字討平之以張王室當時微知運則汧隴之西左衽是懼今朝廷方命將帥四字英華作方將命師以征不服討不庭宜褒寵文粹無寵字之以勸握兵者安可以葬久而廢大典况夫諡法者蓋考其言行事業之邪正必以字褒貶之使生者

聞美諡而慕覩惡諡而懼不待賞罰而賢不肖皆勸是一字之諡賢於三千之刑本非為沒者之子孫以為哀榮寵贈之具假令知運無子且未嘗立勳苟位至上將則諡不可廢豈以其子之存亡為請諡之可否竊稽載籍徵諸舊章易名之禮請如前議謹議

故江陵尹兼御史大夫呂諲諡議文粹故上有唐丞相三字

呂諲任職從政聰敏肅給能以才智潤飾吏道至德中與三司同鞫大獄獨引律文附會經義而平反之當時卒用中典諲參其論在台司齷齪雖無匪躬之能然平章法度守而勿失其為荊州一年有成號令明具賦斂

均一物有制而事有倫大抵以威信為主戮陳希昂按
 申太芝之姦而三楚之人悅服厥功茂焉自至德以來
 荷推轂受脈之寄處方面者數十輩而將不驕卒不墮
 政脩人和如譚者蓋鮮文粹有矣字豈不以人散久矣而兵
 未戢本作戰據挹濁流者難俟清整焚絲者難為功謹
 當此時能以慈惠易其疾苦且訓其三軍如臂使指闔
 境無拔葵噉棗之盜而楚人到於今猶歌詠之此其才
 略必有過人者雖欲文粹無欲字勿褒之其可乎按諡法威
 德克就曰肅禁暴威也愛人德也考禮議名而擬諸文粹
 有其字形容請諡曰肅謹議

附嚴郢議

度支員外郎嚴郢議曰伏以故相國江陵尹兼御史大
 夫贈吏部尚書呂公諱昔事先朝累當大任至德之初
 天步艱難公首披荆棘文粹作榛扈蹕靈武忘軀進忠一日
 三接先朝察匪躬之節納沃心之議爰立作相弼諧神
 人其嘉謀嘉猷獻可替否之跡入則造辟出則詭辭溫
 樹不言難可得而知也至有爛焉明白欲蓋而彰者請
 區而載之乾元收復之際兩都衣冠多繫於三司詔獄
 御史中丞崔良器議事失入時宰相文粹脫相字苗太師崔
 趙公等雖廷諍之然未堅決公有犯無隱引經正辭上

是其言刑為之省所全活者蓋數百人明主收雷文粹作霜電之威聖朝行寬大之典者繫公之力也古者進賢受上賞書不云乎咎繇曰都在知人公踐台衡專以推賢任人為務故相國房公瑄故吏部尚書韋公陟入登左職皆公之由今相國黃門侍郎杜公之洫江陵也公薦在方面之任今相國中書侍郎元公之在度支也公咨以幕府之政曾未數歲而二相接武於上台天地交泰聖賢相得庶績咸熙五典克從者資公之舉善也則子皮之舉子產鮑叔之舉管仲蕭何之舉曹參武侯之舉蔣琬方之前人我有餘地其在荆南也戢兵和衆令行

禁止理績為天下最雖古之羊杜無得而踰今太常議荆南之政詳矣而曰在台司齷齪無匪躬之能者乃扶瑕掩德之論非適中文粹作中適之言也國家故事宰臣之

諡皆有二字以彰善旌德焉夫以呂公文能無害武能禁暴貞則幹事忠則利人盛烈宏規不可備舉傳敘入元之德曰忠肅恭懿若以美諡擬於形容請諡呂公曰忠肅謹議

博士獨孤及議曰呂諲任宰相日淺當時會肅宗躬親萬幾庶政羣臣畏威奉職而已雖有謨謀於嚴廊之上莫由有知之者及文粹無及字其荆門之政為仁由己其略

見於事其恩惠被於物其文粹無其字風謠存乎人故文粹有人

得而稱之議名之際敢不闕其所疑而錄其尤著者

有司之職也其閱實詔獄在未執政之前已文粹無已字議

之詳矣敢辱再告至若推進名賢使當大任既同溫室

之樹且行狀所不載孔子曰君子於其所不知蓋闕如

也故不書今奉符令必用二字且以忠配肅謹按舊儀

凡歿者之故吏得以行狀請諡於尚書省而考行定諡

則有司存朝文粹無朝字非廷辨可否宜在眾議今駁議撰諡

異同之說竝故吏專之伏恐亂庖人尸祝之分違公器

不私之戒且非唐虞師錫僉曰之道昔周道衰孔子作

春秋以繩當代而亂臣賊子懼諡法亦春秋之微旨也

在懲惡勸善不在哀榮在議美惡不在字多文王伐崇

周公殺三監誅淮夷晉重耳一戰而霸諸侯武功盛矣

而皆諡曰文以冀缺之恪德臨事甯俞之忠於其國隨

會之納諫不忘其師謀身不失其友其文德不優乎而

竝諡曰武固知書法者必稱其大而略其細故言武不

言文言文不言武文粹故下三代以下朴散禮壞乃有

二字之諡二字諡非古也其源生於衰周施及戰國之

君漢興蕭何張良霍去病霍光俱以文武大略佐漢文粹

有時致太平其事業不一謂一名不足以紀其善於是

乎有文終文成景桓宣成之諡雖瀆禮甚矣然猶褒不
 失人唐與參用周漢之制謂魏徵以王道佐時近文直
 言極諫愛君而忘身近貞二德並優廢一莫可故曰文
 貞公謂蕭瑀端直鯁亮近貞性多猜貳近褊言褊則失
 其審正稱貞則遺其吝狹非一言所能名故曰貞褊公
 其餘舉凡推類大抵準此皆有為之也若跡無殊途
 事歸一貫則直以一字目之故杜如晦諡成封德彝諡
 明王珪諡懿陳叔達諡忠溫彥博諡恭岑文本諡憲常
 巨源諡昭唐休璟諡忠魏知古諡忠崔日用諡昭其流
 不可悉數此竝當時赫赫以功名居宰相位者諡不過

一字不聞其子孫佐吏有以少稱屈者由此言之二字
 不必為褒一字不必為貶若褒貶果在字數則是堯舜
 禹湯文武成康不如周威烈王慎靚王也齊桓晉文不
 如趙武威文粹作武靈魏安釐秦莊襄楚考烈也杜如晦王
 珪以下或成或明或懿或憲不如蕭瑀之貞褊也歷考
 古訓及貞觀以來制度似皆不然今奉所議云國家故
 事宰相必以二字為文粹無為字諡未知出何品式請具示
 謹當以為按據若忠者臣事君之常道苟靖恭於位誰
 則非忠非有炳然之異則不以為諡至文粹無至字如議獄
 緩死任賢舉善德之美者然肅者威德克就之名足以

表之矣月令曰孟秋天地始肅詩曰曷不肅雍又曰肅
肅王命仲山甫將之肅嚴也敬也忠之屬也天地不肅
則歲不成宗廟不肅則禮不立軍旅不肅則人不服肅
之時義大矣哉以謹之從政也威能閑邪德可濟衆故
以肅易名而忠在其中矣亦猶隨會甯兪之不稱文豈
必因而重之然後爲美魏晉以來以賈詡之籌算賈逵
之忠壯張旣之政能程昱之智勇顧雍之密重王渾之
器量本作重据文粹改劉惔之鑒裁庾翼之志略彼八君子者
方之東平宜無慙德死之日竝諡曰肅當代不以爲貶
何嘗徵本作微据文粹改一字二字爲之升降乎謹上稽前典

下據甲令參之禮經而究其行事請依前諡曰肅謹議

唐故尙書祠部員外郎贈陝西刺史裴公行狀

曾祖仁基隋光祿大夫衍左光祿大夫皇朝贈

使持節都督原州諸軍事原州刺史諡曰忠

祖行儉皇朝銀青光祿大夫禮部尙書聞喜縣

開國公贈太尉揚州大都督諡曰獻

父光庭皇朝光祿大夫行侍中兼吏部尙書正

平縣開國男英華作公非贈太師諡曰忠獻

絳州聞喜縣崇慶英華作唐鄉太平里裴稹年若干行

狀

公天姿英拔德宇宏曠顛昂公器磊砢高節武庫森戟
 玉山照人起家以門調補千牛備身歷太子通事舍人
 太常寺主簿是時萬邦方乂獻公當國天子垂衣穆清
 以有天下而衮職之闕疇咨之府公入則竭力出則匪
 躬外詢輿人以備過庭之間陰薦多士用宏審官之選
 既而濟濟俊士英華爛盈東閣邦之得賢於斯為盛畫
 一之詩作而嘉魚之頌興公之幹蠱也轉京兆府司錄
 參軍輦轂之大綱轄之劇牒訴浩穰文墨填委公投刃
 餘地而大邳斯批若網英華在條而衆目不紊談笑之
 隙簿領肅如論者知逸驥英華之足方自此始開元十

一年獻公捐館惇然在疚哀越乎禮會執事者醜正作
 福怙寵匿怨乃因喪乘釁將逞憾於我言之如簧上亦
 投杼公乃含恤進牘叫閭抗憤危言自明至誠旁感由
 是宗祏垂祉高天聽迴恩方照徽神英華亦悔禍卒令
 臧孫有加等英華之葬英華公業有不忘之歎公之克
 家也服闋授起居郎載筆赤墀書法不隱開元二十四
 年三庶人以罪廢事出宮闈變生飛語時壽王以母寵
 子愛議者頗有奪宗之嫌道路憫默英華朝野疑懼公
 乃從容請閒慷慨獻諫上述新城之殷鑒下陳戾園之
 元龜謂興亡之由在廢立之地天子感悟改容以謝因

詔以給事中授公公曰陛下絕招諫之路為日固久今
 臣一言而荷殊寵則言者眾矣何以錫之上善其敏而
 多其讓乃止不拜尋除尚書祠部員外郎恪居禮闈休
 問惟穆宏濟之略因英華作固為己任于是搢紳高議方以
 青雲期公不弔昊天降此短歷開元二十九年某月日
 薨于英華有私字第春秋若干君子謂公貂蟬之葉瑚璉之
 器壽不及黃耆名不登明堂天其未亡狐趙之勳成宣
 之德也非昌其身必大於後果介繁祉有才子四人長
 曰倩尚書駕部員外郎兼殿中侍御史江西道租庸鹽
 鐵等使次曰儆尚書司勳員外郎兼殿中侍御史參中

軍元率雍王軍事次曰倚殿中侍御史試守萬年縣令

季曰侑太原府榆次縣尉構履瓌材切玉利器價敵三

虎族擬八王朝廷褒之方倚以成英華作戎務元年春建辰

月肆大肯因命有司錄勳追舊於是詔贈公諫議大夫

猶以禮未超倫位不充德秋八月詔曰贈諫議大夫裴

某操履貞純器能溫敏素推雅英華作令望嘗踐清班志業

屈於當時風猷悲於既往顧其允嗣久在周行雖禮及

前脩已英華作以申追遠而恩霑後命宜有贈榮俾高列岳

之班更表重泉之飾可贈使持節陝州刺史禮也公天

機超邁雅有大略氣直而溫性擾而毅貞可英華作乃幹事

善足救物外坦蕩豪舉朗然不羈內敦敏純固忠而能
力至若輕死重義貴身賤名視錢帛英華作刀如糞土戲公

卿若草芥其於履危機英華作險臨大節則氣冠賁育勁侔

風霜未嘗以得喪夷險蠶芥於胃臆詩云昭明有融高

朗令終公實有焉謂宜荷天之休俾熾而大龍泉未試

隙駟先往天乎斯才而有斯壽今寵優八命澤及九原

一作己伸英華作沐追遠之恩請遵易名之典

寶應二年某月日故吏某官某謹上英華作謹狀上

尚書省考功夫存以行觀其志沒以謚表其德則名英華


實實不虧善英華作美惡知勸謹按故尚書祠部員外郎贈

使持節陝州刺史裴稹鼎鉉公族珪璋令名孝克負荷

忠能匡諫宏圖方壯利涉未息舟壑遽遷音徽已沫命

官褒德合荷寵章英華作寵荷令章考行飾終敢徵前典謹上

毘陵集卷第六終



昆陵集卷第七

朝散大夫使持節常州諸軍事守常州刺史賜紫金魚袋獨孤及

銘 三首

仙掌銘 并序

古函谷關銘 并序

洪州大雲寺銅鍾銘

頌

慶鴻名頌 并序

阮公嘯臺頌 并序

碑

陳留郡文宣王廟堂碑 并序

論

吳季札論

仙掌銘

并序

陰陽開闔

英華作闔

元氣變化泄為百川凝為崇山山川之

作與天地竝疑有真宰而未知尸其功者若

文粹作有若

巨

靈蟲夙攘臂其閒左排首陽右拓太華絕地軸使中裂

坼山脊為兩道然後導河而東俾無有害留此巨跡於

峯之顛後代揭厲於元蹤者聆其風而駭之或謂詭詭

不經存而不議及以為學者拘

文粹作惣

其一域則惑

英華作惑

非於餘方曾不知創宇宙作萬象月而日之星而辰之

使輪轉環遶箭馳風疾可駭於俗有甚於此者徒觀其

陰隲無朕未嘗駭焉而巨靈特以有跡駭世世果惑矣

天地有官

英華作觀

陰陽有藏煅煉六氣作為萬形形有不

遂其性氣有不達於物則造化

英華作物

者取元精之和合

而散之財而成之如埏埴鑪錘之則

英華無則字

為瓶為缶

為鈎為棘規者矩者大者細者然則黃河華嶽之在六

合猶陶冶之有瓶缶鈎棘也巨靈之作於

二字英華作居也

自

然

七字文粹作於其自然

蓋萬化之一工也天機冥動而聖功啓

至

英華作元

精密感而外物應故有無跡之跡介於石焉可

以見神行無方妙用不測彼筦窺者方循跡而求之揣其所至於巨細之境際一作則道斯遠矣夫以手執大象

力持化權指揮太極蹴踏顛氣立於無閒行乎無窮則振文粹長河如措杯擘太華若破塊不足駭也世人方

以禹鑿龍門文粹以文粹導西河為神奇可不為文粹大哀乎峩峩靈掌纖指如畫隱麟磅礪上揮太清遠而視之

如欲捫青天文粹以文粹掬皓露攀扶桑而捧白日不去不來若飛若動非至神曷以至文粹此唐興百三十有八

載余尉於華陰華陰文粹無陰字人以為紀嶢嶢勒之翠頰嶧山銘燕然舊典也元聖巨跡豈帝者巡省伐國之不

若歟其古之闕文以俟知言歟仰之歎之斐然英華無二字

琢石英華為志其詞曰天作高山設險西方至精未分川壅而傷帝命巨靈經

啓地脈乃眷斯顧高掌遠跖若如剖竹驕若裂帛川開山破天動地拆黃河太華自此而闢神返虛極跡挂石

壁跡豈我名神非我靈變化翕忽希夷杳冥道本不生化亦無形天何言哉山川以寧斷鼇補天世未覩焉夸

父文粹愚公莫知其蹤屹彼靈掌懸諸龍從介二大都作娥亭亭高聳霞絕煙噴雲抱花捧百神依憑萬峯朝拱長於上古以閱羣動下視衆山蟬蛸蠖螾彼邦人士永揖

遺烈瞻之在前如揭日月三川有竭此掌不滅

古函谷關銘 并序

王者建邦經野觀象立極於是有重門擊柝以待暴客
故封略土宇守在關塞山川邱陵為之城池天作峭函
俾屏京室崇山迴合連岡蕪倚長河屈盤萬里來東崖
奔嶺蹙谷抱溪鬪崛起重險為秦東門截函夏於闔閩
鎖天府於戶牖外扼文粹州之咽喉故百二形焉內
擁六合之奧區故霸王出焉當其周英華原鹿駭戰國
蝟起嬴氏建瓴山東擇肉宇內持戟百萬連衡此關是
時也開關而九國師遁振策而二周鼎入奄有大寶遂

吞中區及

二字英華作國泊

江返秦壁天祐漢祚高皇帝提劍

而西

英華作起

以遏亂略斬白帝繼降王舉漢中平咸陽廓

金城以建都活萬姓於

英華作以

三章取威定功此焉是保

粵若詢事國牒聆風仙籙則真氣靈蹤起乎其中柱史

一去流沙萬里畱玉函於舊宅傳寶圖於本枝豈上帝

乃眷興王是感不然何錫羨開國如此其盛

文粹作大

耶歲

歲上英華有其太二字

在大火余適下陽停驂塞門憑覽舊國矜

帶如故世道不畱秦餘空山漢為

英華作遺

茂草恐復舟失

於壑岸化為谷萬載之後昧者不知乃刻頌此石以示

來裔其詞曰

天地雷雨英雄交爭設險守國作藩于京姓易時移山
空塞平千秋陵谷想見精靈仙駕長往雄圖杳冥何英華
于以志之勒碑巖扃

洪州大雲寺銅鍾銘

參變化孕律呂和神人莫疾於聲故天地以雷震萬物
聖人以樂節八風佛土以鍾警六時天造聖作同符異
貫自真乘開設其輪三轉象教不墜而法鼓之制存二
英華作形形蓮宮于江之濱萬井在其前善惡興乎人
將欲誕敷我法音啓迪我善根我英華無是以作萬鈞
之鍾大其器所以昭其度也侯誰尸之長者杜海洎此

文粹方上士釋文粹法觀釋法吳本鸞與比丘衆百三

十有五人實果其願將辨所作于時火官金工脩英華

厥戒令法英華陰陽九六之數以合造化均薄厚侈介

之齊以諧清濁聚精會神鳩工於其閒宏誓既達昏疑

皆破故衆心如城施者如市大悲之感與萬靈接況英華

無況祝融回祿髮髯交應越五月英華辛丑新鍾成於

是此邦民大和會膜拜縱觀盈川塞衢英華億兆

諦聽鯨魚乃發訇然如扶搖號而萬竅怒霹靂作而崇

山破在坑滿坑在谷滿谷金界岌峇若震若盪既而拗

怒散渙與迴颺俱激越若英華大千周流六虛經於

五亦有生齋校本

嚴英華城入于梵宮徘徊乎霜天凌厲乎清夜千門徹
萬戶警魚龍皆奮蟲豸不螫於是聆其音者貪駭遷善
聾盲知方識浪安流地獄清涼托王解刑刀輪摧藏嚴
乎心者聞聲以知受觀受以悟法若露清耳根鏡照身
業彼金鼓聲氣木鐸徇路整肅乎號方斯陋矣蓋聖人
宏道以勸善因善以建法作法器以為天下利利者教
之果法者教之因善者教之宗我鍾乃英華懸是訓是
崇世界有極大音無窮

慶鴻名頌

井序

唐興百三十有英華無八載皇帝在宥天下鑄五兵為

有字

農器栖萬姓於壽域道證德洽神人以和春正月冢臣
上將卿士庶尹洎三老五更公侯伯子男相與揭厲皇
猷請增明號上摛謙而未許也僉曰陛下孝達神明道
超先帝以德則符廣運以時則復太朴以功則保定不
業格于上下而尊稱猶淺鴻名未光億兆之心何戴神
祇之望何塞天子南嚮英華作而讓者九不得已而俞
之乃命有司具昭告之禮二月乙酉備法駕朝太清宮
敕英華宮神以洒掃詔月將使警蹕雲動天旋至於靈
壇報功乎三清祈禱英華乎上元景戌享太廟用明水
越席玉豆彫簋之禮燭蕭以合薌灌鬯以報魄英華神

休擁而萬靈接精意陳而六幽感丁亥朝羣臣於蓬萊
 前殿於是四方人大和會命太尉班五瑞合六樂遂展
 禮奉策虔受木號曰開元天地大寶四字英華 作天寶聖文神
 武證道孝德皇帝是日也解商野之三網受塗山之萬
 玉大赦天下與人更始協時月同度量贊傑俊書雲物
 恤高年禮大祗接天瑞受地釐撫柔萬邦存省其安危
 遂迎日推筮布慶行賜扇薰風調元氣拓英華 作接千歲之
 大統操三皇之遺珠垂其衣裳與天地合符樂遍禮崇
 乘輿乃入然後屏椒房而徹黃屋徜徉乎大庭氏之館
 泊兮凝神悅英華 作沈兮存眞想洪崖廣成之倫披霓裳而

下鳳闕蹁躑左右上千萬壽凡遭逢昌運沐浴聖渥而
 不能頌蒸人賦江漢吉甫仍叔之罪也臣敢有二事乃
 作頌曰

穆穆閔宮敷時繹思天有成命孝孫受之鋪衍下土報
 功神祇我瑞如山我福孔夷聖敬攸感上元豈私誕受
 鴻名載揚緝熙風動雲行雨飛露垂昆蟲昭蘇草木阜
 滋蒸己南面無爲之師英華作端 拱無爲柏皇尊盧萬代一時
 昭假遲遲上帝是祗永錫多祜萬壽無期

阮公嘯臺頌

并序

按晉陽秋阮公諱籍字嗣宗陳畱尉氏人也夫雲蒸於

山不擇時而出故公以全德生於衰世於時中州多故
大道浸缺於用者知膏火自鑠逃乎累者懼木雁兩
傷公由是內張道機外隳天轂土梗聖智糝糠軒冕遂
登廣武以覽古望梁臺而寓詞埋照于竹林放神于蓬
池德充也爾其興懷昔遊故爲東平相貽情善釀故受
步兵校尉弛張遠甯之際出處夷惠之表否泰莫得介
於靈府名實不足汨其冲氣螭蟠龍臥與道偕隱所以
沈吟志全慷慨神王獨立長嘯遺榮此臺當其寓興也
蓋將毫視泰山囊括顛氣頽然自得與造化者爲友故
卷其用而懷之世莫得而窺也其外物所感則寄之翰

墨焉謂道莫至于專氣抱一於是著釋老論哀莫大於
矯時死名於是有弔比干文情動於中而形於言賦詠
懷詩問道蘇門笑而不荅作大人先生傳歲在元默余
登大梁之墟墟中之人方誦公遺塵歎元風蕪沒議樂
石以旌朽壤余採其故事之存於糟粕者勒而爲嘯臺
頌頌曰

天下多故賢人穀恥隱於沈飲以俟傾否越禮逃用晦
德忘己不知我者謂我狂且長嘯懷人詠古著書感時
而慟非必窮途沔彼汴水東流無返跡是人非荒臺可
踐升高延佇想見青眼道烏乎在日逝日遠

一本云五
運相錯三

微交辰天地之氣有時而閉君子迷陽亦既懸解萬象
離境一杯韜世大辯不言至清無徒冷然長嘯味道之
樞神和天倪跡寄窮途物我兩忘獨與化俱湯湯汴河
東流不返之子已往德音日遠荒臺未傾嘉樹勿翦升
高延佇想見青眼山有萊隰有薇逝者不作吾誰與歸
望古刻石永昭清微

陳畱郡文宣王廟堂碑 并序

唐天寶十有一載歲次壽星陳畱郡守河南道採訪處
置使元彥沖 吳本缺五字 所以崇德樹風敬教勸學初公以
三務之隙分命有司修廢功舉墜禮而此堂也舊規偏
陋下字 吳本作而 將壞我是以有經始之制冬十月丙午新
宮成凡天下有道則文教大洽為政者克廣舊典以尊
先聖禮也浚儀令河東裴勝叶恭大猷祇奉成績乃立

石於廟庭以旌盛德所庇云

有三才然後有剛柔剛柔交而利害作乎其中於是橫
目蚩蚩天不能節黃帝堯舜氏始以仁義拯溺其流及
乎夏商而周監二代有明堂之禮樂教之首也逮德下
衰王室卑而五霸起彝倫墜而六學缺天將持其木鐸
以授後聖繇是周公歿五百歲而夫子生雲從龍風從
虎大道既作天下化成故夫子脩詩書以酌虞夏殷周
之損益而國風帝典備約魯史記以書二百四十二年
之廢興而亂臣賊子懼烏戲不大壞何以見聖人之全
功乎粵若中都之制立民極也以匡顏風防不為曲兩

觀之法用重典也以去姦宄政不爲苛夾谷之會誅無禮也以尊兩君刑不爲僭三預是邦之政而魯至於道向使鳳鳥來河圖出東周之化其在魯乎嗚呼明王未興亢龍無輔運匪我與德兮何衰蓋宏其道以救物處其順以安時行藏屈伸與化推移也其世衰也揭仁義於天下其大來也啓土宇於身後出入百代波流萬方孰不日用聖猷欽若祀典然後知素王之德與天地並或曰夫子栖栖魯衛陳蔡之間或者其未智歟君子曰是智也聖人與時消息同彼憂患不有匡蒲之難麟鳳之感何以試苟合安蒙求使達者順時窮者知命然則

卷舒之跡其可究乎奕奕新廟庶人成之有以見誕敷之德勿亟之化蓋黜堊其楹元端其服加壘器之等正當宁之位王命所以寵舊章也兩楹之下四科以班克公東序西嚮費侯齊侯黎侯吳侯衛侯西序東嚮其餘未入於室者畫衣冠於西牖配祭所以辯等威也議者謂我邦君於是乎建宏規而播新命修令典而崇明祀講義以度公懋功以從時訓人以成德昭德以合禮六者禮之善物而時有遷邑有改不銘考父之鼎紀奚斯之功是廢名也何以示後嗣遂命客卿前封丘縣丞泗上陳兼志之其詞云

缺

吳季子札論

謹按季子三以吳國讓而春秋褒之余徵其前聞英華作文

非於舊史氏竊謂廢先君之命非孝英華有附子臧之

義非公英華有執禮全節使國篡君弑非仁英華有出

能觀變入不討亂非智英華有左丘明太史公書而無

譏余有惑焉夫國之大經實在擇嗣王者慎德之不逮

英華作建故以賢則廢年以義則廢卜以君命則廢禮是以

泰伯之奔勾吳也蓋避季歷季歷以先王所屬故纂服

嗣位而不私泰伯知公器有歸亦斷髮文身而無怨及

武王繼統受命作周不以配天之業讓伯邑考官天下

也彼諸樊無季歷之賢王僚無武王之聖而季子為泰

伯之讓是徇名也豈曰至德且使爭端興於上替禍機

作於內室遂錯命於子光覆師於夫差陵夷不返二代

而吳滅以季子之閔達博物慕義無窮向使當壽夢之

眷命接餘昧之絕統必能光啓周道以霸荆蠻則大業

用康多難不作闔廬文粹安得謀於窟室專諸何所施

其匕首嗚呼全身不顧其業專讓不奪其志所去者忠


所存者節善自牧矣謂先君何與其觀變周樂慮危戚

鍾曷若以蕭牆為心社稷是恤復命哭墓哀死事生孰

與先覺而動治其未亂棄室以表義挂劍以明信孰與

奉君父之命慰神祇之心則獨守純白不干義嗣是潔
己而遣國也國英華之覆亡君實階禍且曰非我生亂
其孰生之哉其孰生之哉

毘陵集卷第七終



毘陵集卷第八

朝散大夫使持節常州諸軍事守常州刺史賜紫金魚袋獨孤及

頌二首

唐故太子賓客兼御史大夫洪州刺史洪吉八

州防禦觀察處置使平原郡開國公張公遺

愛碑頌

并序

唐故開府儀同三司試太常卿兼懷州刺史贈

太子少傅楊公遺愛碑頌

并序

碑三首

唐故睢陽郡太守贈祕書監李公神道碑銘

并序

唐故朝議大夫申王府司馬上柱國贈太常卿

章公神道碑銘

并序

唐故朝議大夫高平郡別駕權公神道碑銘

并序

唐故太子賓客兼御史大夫洪州刺史洪吉八州

都防禦觀察處置使平原郡開國公張公遺愛碑

頌 并序 英華作唐故洪州刺史張公遺愛頌

北斗魁戴匡六星曰文昌宮其三曰貴相聖人法天建
官作為台司以左右民於是乎有敬敷五教平章百姓

之職居之者下代天工上應星宿其或一麾出守八命
作牧內為吉甫外為方叔宏道利物其政一也惟唐七
世皇帝誅羿澆纂舊服得柱石之臣曰平原張公諱鎬
字從周秉中庸之德舍光大之量輟耕隴畝為唐臯夔
推轂於河南樹風於荆門作賓銅樓登侍禁掖牧撫人
半歲洪州再稔鰥寡不侮神人咸若慈惠之政洽於百
城享壽六十有一歲在癸卯七月壬寅薨於位夫德之
被物也厚則物之興感也至故公之捐館自九江至於
敷淺原南暨於梅嶺東臻於閩徼而蚩蚩之民靡幼靡
艾泣涕乎遺風悽愴乎棠陰懇懇乎若求而不得企而

不及者英華作也僉曰平原其可謂盛德也已子惠困窮俾

富而庶若解衣衣我輟食食我公棄我往矣英華作其誰育

我矣逝矣遠矣音徽沫矣吾儕小人嗚呼疇依盍詠詠

之刻諸金石秋八月既殯者壽英華作老吉州安福縣丞鄧

琳英華作林玉等一百十有二字英華作一十五人乃率籲衆感謀

及故吏從事州長縣尹虎賁亞旅卿卿字英華作卿老大夫相

與稽乎陳跡見頌表德用廣雷侯之世家紀子產之遺

愛禮也公會祖曰善見位朝散大夫越州司馬司馬生

武定任荊州都督府戶曹參軍戶曹生知古官止代州

司功參軍四字英華作司馬廣德元年贈太子少傅自司馬至

少傅世以儒顯天鍾美于其後嗣四世而生平原河目

英華作燕頷犀額山立玉色森然若大厦棟梁清廟祭器該

綜六學大抵以周易為師將探英華作觀化元恥觀朶頤隱

居南山蓋三十朞天寶十有四祀英華作年始褐衣召見凡

用舍繫乎英華作手才行止壑乎英華作手時當無為無事則則

英華作即詔許由善卷各得安其節及人思俾父則黃公角

里不能逃于英華作其用勢使然也由是一命左拾遺再命

右補闕修國史三命侍御史四命諫議大夫五命中書

侍郎同中書門下平章事起布衣三歲英華作二年縮相印

佐王業名敷之盛輝動今古英華作古今于時至德二載也

天王英華作子方以復夏之師蒐于岐陽三河之人左衽是

懼公入除英華作敘是百揆出分二陝帥東諸侯之兵收復

宋鄭誅後至者以懲不恪安危之機懸于方寸方將董

正東夏懷柔山戎會帝咨百工曰有能典朕荆楚俾姦

宄不作予惟克邁乃勳於是拜公荊州大都督府長史

明年元良肇建上曰疇若予樂正父師之職汝作賓客

卒調護太子嘉言惟允於是授太子賓客上思夙夜出

納言語侍從之臣命公作左散騎常侍會鍾陵鄱陽之

閒人咨艱食上又曰命汝作州伯愬十連英華作聯之任俾

予全無虞惟汝英華作爾賢於是有洪州之拜粵寶應元年

冬十月公朝服受命至自臨川彰善用明輝惡用威一

法度用信布愷悌用德慰薦掾吏勞徠鰥寡化以公廉

扇以禮讓煦而嫗之使自得清而靜之使自定於是豪

民猾吏革面斂手家有忠信人懷恥格英華作孝弟暢于事

業播英華作布于風俗浹于人心被于歌詠是歲也三吳飢

民英華作人相食厲英華作勵非鬼出行札喪毒痛淮湖之境

嶺成岳而我倉如陵我民孔阜犬豕之境疫英華作疵癘不

入英華作作災不勝德也臨海賊帥袁晁狃于會稽之役侵

我東鄙江界大恐民斯繹騷公命左軍屯上饒隘塞常

山之口斬其塘突者二千餘級英華作三千餘人自是姦黨散

落不敢南向而諸郡人安焉十字英華作不敢南射邦人安焉是舒城

賊帥楊昭憑蜂聚之眾殺同安郡守英華無劉狄英華作秋

子以叛師潰而奔犯我疆場公覆而取之懸其首于五

達之衢凶徒殲焉沈千載英華作乘者新安大豪結椎剽一作

之黨為之囊橐弄英華作用兵潢池虔劉我民桴鼓之聲相

聞郡國二千石不能禁公命次將斬之以徇鉏其根株

俾無遺類新安民庶家室英華作室家相慶江干清焉振六

條之宏綱開布大信從善如不及視民如赤子赤子英華作流

克已推誠以百姓心為心飲之以和俾服從教化輕剽

皆竄奪攘矯虔之俗罔或干正英華作干于政穆悴蹇亟苛察

繳繞之吏不能見其巧哀二字本缺從英華補敬明庶庶疑當作恕期

于無詞德政行焉慎選乃僚必國之良有若博陵崔賁

昌黎韓洄趙郡李惟岳北海王士華河閒邢宙河東裴

孝智隴西李道昌英華無昌字皆卿才也以嘉言碩畫參公

軍事澄清之內無濁流審克之下無冤民淑忒英華作德旌

焉公之解襁褓而施英華作拖國章也十有一年矣雖匪躬

之故宣力不暇而滄州願言未始弭忘每曰少伯子房

吾之師也累乞骸骨將角巾故山朝廷方虛三老五更

之位英華作員待公而除書未下英華作書未及下而公薨焉嗚呼

哀哉褒德之盛典退身之正志嚮英華作享用之遐福三者

俱未從人欲斯可以歎矣唯公出將入相文武為憲讜

言成略藏在策英華作冊府代莫得而聞也今采其德刑禮

義之善利物者頌之于石慰彼墮淚者之心焉爾其文

曰

純粹之氣升為星辰降為賢人皇王得之以釐百工以

隲下民九江之南五品不遜百姓不親平原來斯英華作思

道英華作遵之以德俾民化淳寬厚清靜英華作以寧飭躬率先

是訓是勤猛獸不噬夜犬不吠豐年來臻藹藹令德家

有膏雨戶有陽春牧我若暮英華作晚棄我若早英華作新實天

不仁南州寥寥東山依依德音若存千載之後魂魄登

此頌聲不泯

唐故開府儀同三司試太常卿懷州刺史贈太子

少傅楊公遺愛碑頌并序

皇帝嗣位二載河內得賢二千石曰猗氏楊承仙者剛

毅公廉仁明愛人起鞞鼓閒為唐循吏天生英華作性貞方

非有經術潤飾推誠御眾以身帥先民用不擾政是以

茂于時王師始平河北而覃懷纔歸于我大兵英華作軍之

後城郭為墟相國梁公拔公于戎馬之上表為刺史俾

慰安斯人英華作民公既至則弔其瘡痍為翦荆棘省事節

用寬其征而均其力然後濬決古溝引丹水以溉田田

之汙萊遂為沃野衣食河內數千萬口流人襁負不召

自至如歸市焉鰥瑯無告不能自耕者貸其種與農器

而教之視五穀所宜督其程課勞來不怠使民英華無

不咸返其本每循行屬縣問所疾痛時其飢飽心為慘

怛如身之恤臂指慈父英華之視幼子也性嚴不不字

補殘而恭於奉法訓軍以律禁暴以英華肅有抵刑者

雖拔葵犯英華禾煞之無赦由是兵不為盜猛獸不食

人河內之犬無夜吠者人人得敦其業而厚其生上奇

其能以璽書勞勉封宏農郡公邑二千戶拜其男銳河

南府參軍方倚以收人英華人作民竝重一民字不遐其福大歷二

年八月六日公薨于州春秋五英華十四皇帝悼惜詔

曰軍興已來列郡凋耗二千石少能以教英華化稱者

唯承先苦心精力惠此十州家給而人知禮節氣和而

無災害三年有城表課第一賢守既歿誰其嗣之英華

可贈太子少傅好事者讓公景行謂公清直強力能勤

其官百城之州三軍之帥可使居其任量英華不極英華

期而歿惜哉初岐國公魯炆之守穰英華鄧也公為新

軍佐敢殊英華死督戰奮士卒先矢英華石亂中敗面

滅鼻而不言病卒以是挫敵軍中服其義勇及涼公秉

鉞而英華委質焉前後保河陽守高平安潞鎮鄴董戎

壺口戮力危機之中賈勇倉卒之間唯盡敵是求未嘗

英華作顧身元戎賴之卒集大勳由是歷羽林金吾光

嘗不祿光祿下英華多殿大夫加開府儀同三司試太常卿

而後至於是州也公嘗表請歸葬途由于洛洛陽人聞

楊懷州之至也環而觀之及其還也懷人數千須于路

其亡也闔境相弔童子不巷歌凡立誠應物者信不足

則不信二字英華飾知沽名者實不足則名喪若楊公

者非仁必由已而誠在言前則不能使千萬人悅之之

速如是某官某者壽某等願復攀公之朱轡望公之清

揚而靡因也故立石為碑慰彼永思云五字英華作慰彼後人思其

詞曰其詞曰三字
据英華補

吳公文翁遭時無危因而綏之其績易施公之來斯英華

作思大盜始夷師旅饑饉丁英華于此時頑民反側比屋

流離飲公醇仁而忘怨咨飢者得食寒者得衣豈知典

謨以吏為師豈必法令信則不欺劫倍古人愛及滢馨

宐從人欲俾壽無期嗚呼不傭捨我曷歸公俾我活何

以報之我思公兮泣淚此碑

唐故睢陽郡太守贈祕書監李公神道碑銘并序

漢家之建侯親親也以荆燕吳楚為首封而後嗣多材

世濟厥美辟疆路叔更生子駿比肩而英華有出慶鍾

故也唐有天下肺腑是依有若江夏淮安河開東平以
 明略茂勳左右大業其休德粹氣降為百祥公子公孫
 或哲或仁勤勞王家焜耀國牒從東平三葉後生睢陽
 言春秋者謂公族多士與炎漢侔矣公諱少康字某太
 祖景皇帝五代孫英華有也字太祖生雍王繪雍王二字英華作繪
 生東平王紹東平王三字英華作紹生高平王道立高平王三字英華作立
 有才子三人伯曰孟康忠敬直溫謙光不耀官至太子
 左贊善大夫仲曰仲康宏毅密重文敏貞諒由尚書主
 客郎中剖符楚州楚人到於今由其教而思其躅公楚

州之母弟也纂二昭三穆慎身二字英華作爲修之烈迪英華作允

迪元方季方裕蠱之範家貽其謀天鍾其休故蓄為和

氣播為盛德年始孩而畢公捐館七歲授孝經至喪親

章捧書孺慕哀哽不食鄰伍英華作里長幼為之涕泗既冠

遭太夫人棄孝英華作敬養直英華作毀貞茹毒血泣無聲者三

年自是孝稱鄉英華作親黨名冠宗室會垂拱永昌已後天

下有燕啄之謠英華作譜七廟支庶不絕若緹英華作緹公正

志蒙難危行全德貞厲二十年以俟本作後据英華改道長中

興後乃筮仕由朝邑縣尉凡七徙官至尚書祠部郎中

以大府上英華作司佐授潞州司馬因英華作用考績彰聞拔為

青州刺史于時海岱貢篚衣履天下俗尚夸侈吏務豪

奪英華公以德禮示法度以誅賞禁淫慝宣明教化飭

行帥先英華使刺繡倚市者悉返耕織於是貪者廉

善者勸海濱之俗變至鄒魯按察使戶部侍郎宋遙以

狀聞璽書褒異遷公於常州賜一子出身常之吏民望

公風聲其奇哀英華僭濫者解印綬自去比及下車

無為而人和復以高第擢拜徐州刺史先是歲比大歉

英華人流者什五六公條奏逋逃之名削去其版然後

節用務本薄征緩刑以來之歲則大穰人不患寡浮游

英華自占者至數千萬優詔嘉歎英華賜帛二百匹元

宗後英華元年改宋州為睢陽郡命公為太守淮湖

漕輓刀布輻湊萬商射利姦之所由聚也公謂非勝之

艱安之惟艱故峻其侵漁之令宏其并容之仁吏或不

廉不恪不惠不迪糾之詰之必誠必信誠信不欺故獄

市不擾英華閭井輯睦由是飲英華純固之

德者如餒者得哺寒者得續有司方將計課以聞天不

惠於宋乃崇降癘英華疾三年春賜告歸洛陽是歲十

二月丙午薨春秋六十有四宗室悽歎士友失圖英華

悲宋人徐人輟春相唁明年某月遷宅兆于京兆見子

原先塋禮也公雅善屬詞有集二十卷晚節住英華禪

味耽道論嘗傳道德上下經五千言為之訓解以究微
 旨其為政貞方廉靜明達端懿嚴不殘直不許清不矯
 時善不徇名友交推誠好惡中節博見強志親仁愛士
 居險英華用晦遭時利往行藏之機與道屈伸未始以
 去就寵辱瀆其出處四字英華而壽位未極其量也故
 休祐復集於後昆夫人某縣太君廣平陳氏生元子曰
 涵以忠文孝讓儀型匡室天子謂可內司九法外鎮百
 城大歷七年夏五月由尚書兵部侍郎為御史大夫蘇
 州刺史巡省江左邁德貽訓之所及也夫人沛國武氏
 以繼室生仲子汗汗弟弟英華濃皆公英華作鄉材而不幸

早世英華某年據英華補月日朝廷建推恩之令追贈公祕

書監大夫之孝達于祖禰也及嘗忝禮官之屬知王侯

英華之廟祧昭穆與功烈德善故受命於大夫酌而為

志著之樂石以代蒸夷曰英華作云

敦敘九族皇風所始公生德門運叶麟趾王曰叔父高

陽才子纘乃祖服似英華續介社底績三署舊章孔修

赤烏彤襜牧彼四州明照姦訛仁覆隱憂神罔時怨民

斯輯柔民之不幸公壽不永王曰彼天匪愍俾屏仁浹

鰥寡道在彝鼎臧孫有後遺烈煥炳

唐故朝議大夫申王府司馬上柱國贈太常卿韋

公神道碑銘 并序

楚元王傅後五世長孺相漢始自魯國徙家杜陵其後
十六世孫景略仕魏為青州刺史青州生隨倉部侍郎
南皮公瓚南皮英華有公字生三子皆才同時為郎長曰季
武實居主爵次曰叔諧典司庫部季曰叔謙歷吏部考
功時人號曰三列宿考功生英華有而字知人以司庫員外
郎為職方郎中自長孺至青州二丞相一侍中十一二
千石自南皮至職方二葉五尚書郎為當英華無二字世言
婚宦者謂之郎官韋家梗柎瑤琨非崇山濬源不生故
公侯卿大夫實鍾德門事業名聲與冠蓋俱四牡龍旂

之慶百代彌熾盛矣哉公諱縝字某職方之仲子也忠
廉無邪溫直好禮用誠明博厚祇若祖考之訓雖顛沛
不違仁非得之不苟求言足以成事濟眾默足以居易
慎獨鄉舉經行吏部登賢能拔英華作科授祕書省校書郎
親累徙英華作免官再遷至亳州臨渙縣令寬仁愷悌之政
行乎千室基年而頌聲興遷薛王府文學轉祕書郎王
官圖牒天祿典籍公皆以儒服參焉藝文修而彝章敘
歷佐濮徐仙三州清恪如一入為申王府司馬以達才
居陪臣之列宏道以奉職安義以直己諫從政肅繫忠
亮是賴掌邦典者謂王門之治可移於公卿方議登之

三府會寢疾終于位是歲開元十二年歲在甲子冬十月二十二日春秋若干夫人河南元氏益州唐安縣主簿知柔之女承先祖供祭祀之謂職閔勤勞勸以義之謂德莊敬恭順婉婉聽從英華作柔惠之謂禮顧復勞瘁均養善訓之謂慈夫人兼有焉某年月春秋若干卒某年月日合葬于某原嗚呼才宜貴仁宜壽世祿宜富三者公夫人皆居其地不臻英華作極其分鄉黨宗族以命不可說相弔焉唯明德必有後之言也信有若孟子幼成博見利器鏗若金錫英華作堅若金石天寶十年自尚書兵部郎出守漢中兼山南西道採訪處置使移典河內河內人

至今頌之仲子幼卿洛陽縣丞縣丞英華作尉叔子幼奇宋州

楚邱縣令季子幼章有貞幹密識恭寬而明前後八執

憲而再起英華自兵作武部郎中持節典泗楚二州錫金

印紫綬咨以屯田英華有大字贍軍食如漢營平侯故事以

言以立皆公之教訓也寶應二年春三月以子為大夫

故詔追贈公太常卿君子謂公之義方慶及其身而楚

州之孝誠格于宗祏禮也猶以為與化英華作物俱者人事

不我期者邱隴雖大宗小宗可詳諸姓氏譜命官日時

各存乎英華有其字屋壁之志若遺直與故事非金石刻則

無以示後世也繇是楚州稽首于廟見託譔德垂懿萬

億孝思罔極其銘英華作詞曰

肅肅乃祖翼商屏周惣羣邦兮退傅閒生扶陽重侯德

乃英華作功降兮龜紐虎符黼衣彤弓世相副兮百代純嘏

鍾仁於公德斯英華作乃懋兮為邦三年民足知方政之臧

兮校文石渠觀書魯堂志自強兮三佐列郡曳裾遊梁

道未光兮已矣介福不充景行于嗟命兮一經之遺垂

裕果盛哀榮竝兮子子孫孫丕承忠敬荷餘慶兮

唐故朝議大夫高平郡別駕權公神道碑銘 并序

開元天寶之際元宗始以八柄付三公由是台司得專

其廢置其中或憑寵固位英華作因懼天下有異己者

諸附離之者皆出入三臺若公才令名以望見憚則稍

稍優其俸而黜其職故天水權公幼明由新安縣英華無縣

字令為絳郡司馬高平郡別駕而歿同於道者皆竊歎

之是歲天寶六載秋八月也歿後廿英華作二十有二載歲

次己未春二月返葬洛陽故塋夫人新鄭縣君榮陽鄭

氏耐焉縣君某縣某官某之孫某之子十字英華作某

某之以仁儉好禮輔佐懿德柔明之風訓齊閨門壽六

十五大歷二年十月某日終于丹陽初公娶于博陵崔

氏生子曰驍而終新鄭以繼室生四子曰軼英華作曰

申曰器曰舒舒不幸短命驍軼申器悉忠信好學善屬

文位未顯而令名歸之慶之垂訓之流也至是既卜宅

兆驛等懼日月逾英華作逝遠後裔不知其先人之德善謂

及忝鄉舉英華作聲華之舊故使錄而銘之云公諱徹英華作允

字幼明隴西天水人也權氏之先出於顓頊其遠祖殷

武丁之小英華作少子生而有文在英華有其字手曰權因以權

受封且命氏二字英華作受疑作受氏焉至周為楚武王所滅國除

其後有仕隴西者遂家于天水歷漢魏晉宋閒子孫世

都尉為郡守至裔孫翼與王景略同佐苻堅官至僕射

後僕射數世至六字英華作翼生景宣景宣生士玠竝知名於

時士玠生萬春歷華州刺史封千金縣公華州嗣英華作生

右領軍將軍曰文獎領軍嗣英華作生永興令曰懷育公永

興之嗣也奕葉之明德粹氣藂于英華作乎其躬故融而為

仁行播而為文學童子時舅氏崔湜奇其文嘗謂有何

無忌之似其鄉舉也考功郎中蘇頌拔諸羣萃之中英華

作開連尉湖城汾陰新繁渭南河南五縣開元二十三年

拜監察御史會監祭太廟先時同會英華無會字事者約相

與偕赴及將赴祭約者有故不至遽不暇告公曰人約

我矣可先已而後信乎遂不赴坐是降為河南府法曹

君子義之初選部舊制每歲孟冬以書判選多士至開

元十八年英華作八年乃擇公廉無私工於文者考校甲乙

丙丁科以辨論其品是歲公受詔與徐安貞王敬從吳
鞏裴朏李宙張烜英華作等十學士參焉凡所英華作升

獎皆當時才彥考判之目由此始也于時天下無兵百
二十餘載搢紳之徒用文章為耕耘登高不能賦者童

子大笑公攘臂其間以仁義為己任片言隻字動為學
者所法時輩榮之而居家清方唯德禮是仗潤身飭吏

不過經術不矯持操以游媚貴倖五字英華作行威作
福者忌之由是官徙而階不遷從法曹數歲而後有新

安之拜及至歷絳郡高平任愈疎遠安貞中立英華作
未嘗易方虛舟其心與位升降春秋六十四而終蓋道


之行止與時不并論者以漢梁叔敬桓君山為比公所

著文二十卷其立言之宗趙郡李華英華有編而序之
英華有若世系事業則書諸斯英華無文其文曰

咄兮權公有德有言忠恕廉清道直而溫行有餘力足
言斯文居官釐績勤約是守與明以信寧黜不英華作苟

跡屈志伸義彰身後冉政游學左詩潘誅風流遺烈足
以遺子九原與歸末由也已

昆陵集卷第八



昆陵集卷第九

朝散大夫使持節常州諸軍事守常州刺史賜紫金魚袋獨孤及

碑銘 五首

唐故揚州慶雲寺律師一公塔銘 并序

福州都督府新學碑銘

舒州山谷寺覺敘塔隋故鏡智禪師碑銘

舒州山谷寺上方禪門第三祖璨大師塔銘

山谷寺覺寂塔禪門第三祖鏡智禪師塔碑陰

文懷玉案以上二篇皆非公作蓋就錄碑文牽連誤入者姑如原本以俟後考

唐故揚州慶雲寺律師一公塔銘 并序

公諱靈一俗姓吳廣陵人也神英華作膚清氣和方寸地靈

一作與太初元精四字英華作自然妙有合其純粹聞思脩惠介

然生知九歲出家三千斷結英華作髮嚴持律藏將紹法寶

示人英華作入文學以誘英華作誘世智初不計英華作詳身中有我

我中有身德充報圓緣斷相滅寶應元年冬十月十六

日終於杭州龍興寺春秋三十有六臨滅顧命以香木

茶毘為送終之節門弟子虔奉遺旨粵以是月某日焚

身於某山起塔於某原從拘尸城之制也右補闕趙郡

李紆殿中丞侍御史頓邱李湯嘗以文字言語遊公廊

廡至是相與追錄遺懿以詒塵劫謂公貞靜直方淵遠

宏大而密識洞鑒天倪道機注不滿酌不竭沖如也自

受生至於出家貪恚不入念哀樂不見色自出家至於

涅槃六根不染欲界之塵自知道至於返真雙履不踐

居士之門公之嚴持也初公之先世為富家既削髮推

萬金之產悉以讓諸孤昆季所取者唯衲衣錫杖及身

而三捨七界五欲如棄涕唾公之純白也其所底止必

擇山閒樹下無塵垢之地初舍于會稽南山之南懸溜

寺焉與禪宗之達者釋隱空虔印靜虛相與討十二部

經第一義諦之旨既辯惑徙居餘杭空豐寺鄰青山對

佳境以嶺松澗石為梵宇竹風月露為丈室超然獨往

與法印俱自是師資兩忘空色皆遣暴風偃山而正智
不動巨浪沃日而淨囊自安於是著法性論以究實諦
公之懸解也公智刃先覺法施無方每禪誦之隙輒賦
詩歌事思入無閒與舍飛動潘阮之遺韻江謝之闕文
公能綴之蓋將脗合詞林與儒墨同其波流然後循循
善誘指以學路由是與天台道士潘清廣陵曹評趙郡
李華潁川韓極中山劉穎襄陽朱放趙郡李紆頓邱李
湯南陽張繼安定皇甫冉范陽張南史清河房從心相
與爲塵外之友講德味道朗詠終日其終篇必博之以
聞約之以修量其根之上下而投之以法味欲使俱入

不二法流公示教之攘門也內張天機外與物接捨法
無我以虛受人曠焉若空谷之響止水之像優而柔之
使自得之其道樞未始不無爲也而飲其和者亦虛而
來實而歸明徵其所以然則不得其朕公應之無涯也
宏豐寺地臨高隅初無井泉公之辰止有靈泉呀然而
涌噴金沙之溜于禪庭左右挹之彌清澗之無窮公精
至感物也嗚呼日發天啓壽量彼一劫住世聖道以拯
拔喪得大雲而涼大宅其公乎白日發以下至此似有譌脫吁嗟吳
穹奪我善友使生不極其涯道不竟其源豈前已就諸
有可出將轉現他方乎爲應化之始終法身之去來非

思議所及乎凡今學徒戒歸若涉大水而無梁抽毫強
 名以志陳迹自知道至於返真雙鳥不踐居士之門六
 以了因證心果外以惠用接物與止水空谷同其應和
 而法施不住天機無方精義元言或形於章句騷雅之
 遺韻陶謝之缺文公能綴之其終篇必以了義傳約和
 者量其根之上而下投以法味飽其風者亦虛而來實
 而歸或以足言必緣情一緣則萬緣作而諸相見無
 乃不可乎曰佛言自利他不係於權實將善誘之心咱
 和之固曰示入固波可也公又嘗謂無生正位實相宗
 本二乘所感談者莫究於是著法性論以辨之而迦葉
 後問惠遠與旨騁焉疑斷渙若冰釋者是以為向使大
 啓壽量好務宏道則法王度間非公孰寄嗚呼生不極
 其涯道不竟報身之去來非思議之所及乎清塵緬然
 世締之始終涉大無舟航儒生強名以志陳跡○
 學安仰若涉道至於返真見於英華者如此然中問字
 懷玉按自知道至於返真見於英華者如此然中問字
 句似有譌誤其銘曰後亦有錯誤据英華改正
 須俟續攷

示生英華作五濁愛習如債何以爲師尸羅之戒卓爾

上士英華作一念識滅萬法英華作懸解名離性空破

魔結壞八字英華作持佛穎脫諸有獄視三界上德不

器大道英華作無方天縱之文亦和其光登彼蒙童英華

啓迪思量我今令入英華作我直心道場柰何法船今

也則亡適來豈逆英華作適去豈順施及未普天胡英華

不慙飛鳥無迹法雷罷震福庭空虛來者曷問言之糟

粕雷爲祕印

福州都督府新學碑銘

世與道交相興喪宏之者在人非庚桑楚不能使喂囁

莊子作畏壘大壤向化化字据英華補唯文翁蜀學不崇閩中無儒

家流成公至而俗易民賴德施古今一也初成公之始

至也未及下車禮先聖先師退而嘆堂室湫狹教英華作敷

學荒墜懼鼓篋之道寢子衿之詩作我是以易其地大

其制新其棟宇盛其俎豆俎豆既修乃以五經訓民考

教必精弦誦必時於是一年人知敬學二年學者功倍

三年而生徒祁祁賢不肖競勸家有洙泗戶有鄒魯儒

風濟濟被於庶政大歷十年歲在甲寅秋九月公薨于

位於是羣吏庶民耆儒諸生雨泣廟門之外若有望而

不至號曰豈天不欲斯文之漸漬于東甌之人歟不然

何錫厥教英華無教字化而不遐公之年也吾黨嗟然嗚呼

曷歸判官膳部員外郎兼侍御史安定皇甫政殿中侍

御史穎川韓贄監察御史河南長孫繪率門人部從事

州佐縣尹相與議以公之功績明示後世謂及嘗同司

諫之列宜備知盛德善政見託論撰以實錄刻石曰公

諱椅字某皇帝之諸父宗室之才子寬裕愷悌孝慈忠

敬莊而成式文而強力治王氏易左氏春秋酌其精義

以輔儒行故居處執事著書屬詞非周孔軌躅不踐也

天寶三載應選部辯論為安陽英華有縣字尉中興之後歷

御史尚書郎諫議大夫給事中十餘年間周歷三臺言

中彝倫動中大本上交不諂下交不瀆家貧不樂清近

求為京兆少尹無何出守宏農宏農人英華無此四字移上有又

字移典華陰兼御史中丞華陰之近者安遠者來天子

以為才任四岳十二牧之職大歷七年冬十有一月加

御史大夫持節都督福建泉漳汀五州軍事領觀察處

置都團練英華作防禦等使八年夏四月龍旂六轡至自京

師聞越舊風機巧剽輕資貨產利與巴蜀埒富猶有無

諸餘善之遺俗號為英華作難治公將治之也考禮正刑

節用愛人頒賦遣役必齊其勞逸視年豐耗量入以制

用削去事之煩苛法之培克者使吏不奉職民不帥教

則懲以薄刑俾浸遷善由是人知方矣公將安之也初

哥舒晃反書至公履英華作履及於門遽命上將帥戈船下

瀨之師西與鍾陵軍會先拔循潮二州以援番禺推誠

誓眾士皆奮勇既而大憝就戮五嶺底定民是以康繁

我師是賴人無姦宄寇賊之虞矣公將教之也考頒宮

之制作為此學而寓政焉躬率羣吏之稍食與贖刑之

餘羨以備經營之費而不溷於民也先師寢廟七十子

之像在東序講堂書室函丈之席在西序齒胄之位列

于廊廡之左右每歲二月上丁習舞釋菜先三日公齋

戒肆禮命博士率胄子脩祝嘏陳祭典釋菜之日疊器

用幣籩豆在堂樽罍在阼公元端赤舄正詞陳信是日
舉士士上英華有學字之版視其藝之上下審問慎思使知不

足教之導之講論以勗之八月上下如初禮歲終博士
以遜業之勤惰專思之精粗告於公斂其才者進其等

而貢之于宗伯將進必以鄉飲酒禮禮之賓主三揖受
爵于兩壺之間堂下樂作歌以發德鹿鳴南陔由庚嘉

魚南山有臺以將其厚意由是海濱榮之人英華無以人字

不學為恥州縣之教達於鄉黨鄉黨之教達於衆庶矣
公薨之明英華無二字年太常議按公叔發修衛國之班制
以交四鄰故易其名曰文孔文叔其勤于公家夙夜不

懈衛人銘其彝鼎以公尊教而勸學德洽荒服乃奏謚
曰成詔贈禮部尚書而刻金石之禮則闕而未備今也
敢播德馨貽之無窮其銘曰

公之文肅恭且仁宣力事君潤飾經術底綏斯民公之

武鰥寡不侮剛亦不吐率師勤王戡厥醜虜公之移風

經始頰宮百堵皆興孔堂崇崇四科以班乃侯乃公秩

秩祀典鏘鏘禮容大所鼓徵英華作篋學士萃止褒衣方履

登降以齒從公于邁樂我泮水我廛我里講誦英華作論資

始比屋為儒俊選英華作造如林縵胡之纓化為青衿公宐

難老為學者司南女金反板英華作斜日告凶實天匪忱翽翽

和鸞兮不聞遺音願言思公兮如玉如金鏤餘烈于此石以塞罷市者之心

舒州山谷寺覺寂塔隨故鏡智禪師碑銘 并序

按前志禪師號僧璨不知何許人也 文粹無也字 出見于周

隨聞傳教于惠可大師掘衣于鄴中得道于司空山謂

身相非真故示有 英華無作以瘡疾謂此字 法無我所 文粹作師

故居不擇地以衆生病爲病故所至必說法度人以一

相不在內外不在其 文粹無此三字 中閒故足 英華無作必言不以文

字其教大略以寂照妙用攝 文粹有羣品二字 流注生滅觀四

維上下不見法不見身不見心乃至心離名字身等空

界法同夢幻亦 文粹無亦字 無得無證然後謂之解脫禪門

英華作禪師門非文粹作禪師是 率是道也上膺付囑下拯昏疑大雲

垂陰國土爲 文粹作皆 化謂南方教所未至我是以有羅浮

之行其來不來也其去無 英華去也既不 以袈裟與法

俱付悟者道存形謝遺骨此山今二百歲矣皇帝卽位

後五年歲次庚戌及剖符是州登禪師遺居周覽陳迹

明徵故事其茶毘起塔之制實天寶景戌中別駕前河

南少尹趙郡李公常經始之碑版之文隋內史侍郎河

東薛公道衡唐相國刑部尙書贈太尉河南房公瑄繼

論撰之而宏道 文粹作尊道英華尊作遵 之典易名之禮則朝廷方

以多故而未遑也長老比丘釋湛然誦經於靈塔之下

與澗松俱老痛先師名氏未經邦國焉與禪衆寺原作

英華改大律師釋澄俊同寅叶恭亟以為請會是歲嵩嶽

大比丘釋惠融至自廣陵勝業寺大比丘釋開悟至自

廬江俱纂我禪師後七葉之遺訓日相與歎塔之不命

英華作不用命非號之不崇懼像法之本根墜于地也願申無

邊衆生之宏誓以抒罔極揚州牧御史大夫張公延賞

以狀聞於是七年夏四月上沛然下興廢繼絕之詔冊

諡禪師曰鏡智塔曰覺寂以大德僧七人灑掃供養天

書錫命暉煥崖谷衆庶踴躍謂大乘中興是日大比丘

衆議立石於塔東南隅紀英華作正心法興廢之所以然及

以為初中國之有佛教自漢孝明始也歷魏晉宋齊施

及梁武言第一義諦者不過布施持戒天下惑於報應

而人未知禪世與道交相喪至菩提達摩大師始示人

以諸佛心要人疑而未思惠可大師傳而持之人思而

未脩迨禪師三葉其風浸廣真如法味日漸月漬萬木

之根莖枝葉悉沐我雨然後空王之密藏二祖之微言

始粲然文粹無二字行於世間浹於人心當時問英華作問道於

禪師者其淺者知有為法無非妄想深者見佛性于言

下如燈之照物朝為凡夫夕為聖賢雙峯大師道信其

人也其後信公以教傳宏忍忍公傳慧能神秀能公退而老曹溪其嗣無聞焉文粹無能公下十二字秀公傳普寂寂公

之門徒萬文粹有人字升堂者六十有三得自在慧者一日

宏正正公之廊廡龍象又倍焉英華無焉字或化嵩洛或之

荆吳自是心教之被於世也與六籍俾盛英華有焉字於戲

微禪師吾其二乘乘後代何述焉庸詎知禪師之下生

不為諸佛故現此邱身以救濁劫乎亦由堯舜既往周

公制禮仲尼述之英華作既沒游夏宏之使高堂后蒼徐孟

戴慶之徒英華作流可得而祖焉夫天以聖賢所振為木鐸

其揆一也諸公以為司馬子長立夫子世家謝臨川撰

慧遠法師碑銘英華有今字將令千載之後知先師之全身

禪門之權輿王命之不顯英華作追崇在此山也則敷其風

紀其時宏在法流及嘗英華作當非味禪師之道也久故不

讓其銘曰

衆生佛性莫匪宿植文粹作入之靜性與生偕植知誘于外染英華作率

為妄識如浪斯鼓與風動息淫駮貪怒為刃為賊生死

有涯緣起無極如來憫之為闢度門即妄了真以證英華

正覺源啓迪心印貽我後昆閒生禪師俾以教尊二十

八世迭付微言自摩訶迦葉以佛所付心法遞相傳至師子比丘凡二十五世自達摩大師至

八世英華作世共二十如如禪師膺期宏宣世溷法滅獨

與英華道全周武帝岐辨無下令滅佛法禪師童蒙來

求我以意傳攝相歸性法身乃圓性身本空我無文粹

說焉如如禪師道既棄世將三十紀妙文粹經乃屆皇

明昭賁億兆膜拜凡今後學入佛境界於取非取誰縛

誰解初禪師謂信公曰汝何求曰求解脫曰誰縛汝誰

言下證解脫不見縛者不見解者然則何求信公於是

禪師授以祖師所傳袈裟故辨有萬有千歲此法無

英華作不壞

舒州山谷寺上方禪門第三祖璨大師塔銘
右淮南節度觀察使揚州大都督府長史兼御
史大夫張延賞狀得舒州刺史獨孤及狀得僧

湛然等狀稱大師遷滅將二百年心法次第天

下宗仰秀和尚寂和尚傳其遺言先朝猶特建

靈塔且加塔冊諡大師為聖賢衣鉢為法門津

梁至今分骨之地未沾易名之禮伏恐尊道敬

教盛典猶闕今因肅宗文明武德大聖大宣孝

皇帝齋忌伏乞準開元中追褒大照等禪師例

特加諡號兼賜塔額諸寺抽大德僧一七人洒

掃供養冀以功德追福聖靈

中書門下 牒淮南觀察使 牒奉

勅宜賜諡號鏡智禪師其塔餘依牒至準

毘陵集卷九 士亦有生齋校本

勅故牒

大歷七年四月二十二日牒

中書侍郎平章事元載

門下侍郎平章事王縉

兵部尚書平章事李使

司徒兼中書令使

山谷寺覺寂塔禪門第三祖鏡智禪師塔碑陰文


嗚呼至聖者遺名久矣而司名者必從而與之其與之何哉尊其道行其敬仰不可及故立其象者所不至強為之名名哉非道之縕捨名則道無從得得不得之際

其名之寄耶我大師茂其法蛻其身去所染因際世間有幾千二百甲子崇巖未改前川日逝松栝蒼然光景如翳懇乎至誠有求舍利而建塔廟者粲乎實錄有徵遺言而立碑頌者於稽其意其慕之滋遠而思之滋深將發明之終然有待歟皇唐大歷五年舒州刺史河南獨孤及字至之以慈惠收入於茲土是唯無作作則參於元妙躊躇故山永懷道要貢善言於閭闔降吾君之明詔覺者知其本也寂者根其性也鏡者無不照也智者無不識也四者備矣吾師之道存焉顯顯法侶如甘露灌有隋薛內史道衡洎皇朝房尚書瑄與今獨孤使

君及三子慧炬相燭也文鋒相摩也嗣爲之碑森列淨
土如經星五緯更爲表裡焉然述者之詞各因所見言
或踏駮將貽惑於來世吾所辯焉薛碑曰大師與同學
定公南隱羅浮山自後竟不知所終其銘曰雷法眼兮
長在入羅浮兮不復還據此南遊終不復此地也房碑
曰大師告門人信公曰有人借問勿謂於我處得法遂
託疾山阿向晦寓息忽大呼城市曰我於峴山設齋汝
等當施我食於是邑居咸集乃齋於楊樹下立而終焉
今以兩碑參而言之則薛內史制碑之後大師從羅浮
還付囑信公然後湟槃於茲房公以得於傳記而述之

非徒然也其餘事業則三碑載之詳也今則不書其錫
名之詔與有地者之爵里行教護塔者之名號不可以
莫之傳於後也皆刻於獨孤氏之碑陰

毘陵集卷第九



昆陵集卷第十

朝散大夫使持節常州諸軍事守常州刺史賜紫金魚袋獨孤及

靈表 一首

唐故朝散大夫潁川郡長史贈祕書監河南獨

孤公靈表

墓誌上 七首

唐故潁川郡長史贈祕書監獨孤公第三子澄

墓誌

唐故浙江東道節度掌書記越州剡縣主簿獨

孤丕墓誌

唐故潁川郡長史贈祕書監獨孤公第六子萬

墓誌

唐故亳州刺史鄭公故夫人河南獨孤氏墓版

文

前左驍衛兵曹參軍獨孤公故夫人韋氏墓誌

殤子韋八墓誌

唐故大理寺少卿兼侍御史河南獨孤府君墓

誌銘 并序

唐故朝散大夫潁川郡長史贈祕書監河南獨孤

公靈表

公諱某其先劉氏出自漢世祖光武皇帝之裔世祖生

沛獻王輔輔生釐王定定生節王正正本作丐英華同誤據後漢書沛

獻王傳改生長子廣嗣王位次英華作少子虞仕漢為洛陽令虞

生穆穆生進伯為度遼將軍擊匈奴兵少援不至戰敗

為單于所獲遷居獨孤山下生戶英華作尸是下同利單于加

以谷蠡王之位號獨孤部戶利生烏和和生二子長曰

去卑為右賢王建安中獻帝自長安東歸有李傕郭汜

之亂右英華作左賢王率其部衛車駕還洛英華有陽字遂徙遷

許復英華作後歸國卒次弟猛代立生嗣英華作富下同論嗣論生

路孤路孤生眷眷生羅辰從魏文帝遷都洛陽遂為司

州洛陽人始以其其字英華部為氏用勳伐錫爵永安

公位征東將軍定州刺史征東生萬齡官至廷尉諡曰

貞廷尉生稽字延平善左右射學窮一作金匱之奧魏

世祖初從平滑臺以功授散騎常侍歷守冀定相三州

時新定律令慎選廷尉徵公拜焉再世為法官俱以廉

平不苛顯名當時榮之加鎮東將軍薨諡曰文鎮東生

歸辯聰而才又為鎮東薨贈太尉太尉生冀字希顏以

博學侍講東宮歷安南將軍定州刺史贈司徒司徒生

永業以文武兼備佐齊王入洛定鄴都督幽洛二州由

行臺尚書令陞司徒封臨川郡王語在齊史臨川王生

子佳在齊為勁弩將軍在周為儀同三司在隋守清遠

英華作鎮握節死難贈并州刺史并州生義順武德中

歷民英華作戶部侍郎尚書左丞光祿大夫封洛南郡公洛

南生左千牛備身諱元慶公之祖也千牛生朝散大夫

定州長史諱思陳公之父英華作也二十三葉之德善鍾

其人英華作仁於公公剛方廉清貞信宏寬德厚英華作性和

與四時氣侔非天下直道不行非先王之法言未嘗言

當出處去就之間非抑與不苟求與朋友交非同道不

苟合至英華有守王事臨大節非其正雖臨大兵不懼

恪德危行居易中立不可得而親不可得而疎讀書觀

忠孝大略不索隱蹟四字英華作不探蹟索隱屬詞止乎禮義不止

英華作主詠性情而已太極元年詔舉文可以經邦國者宜

勞使源乾曜以公充賦時對策者數百人公與滎陽鄭

少微特冠科首起家拜同州郃陽縣尉歲滿授好時縣

尉開元十四年元宗初登封泰山注意二千石令長以

煦嫗下民授公益州溫江令公治縣如治家明不至察

威不至猛去煩苛繖繞之政施德信刑禮以訓齊之溫

江人飲公之化逋者復疲者悅善者勸英華有不善者而字

知恥益州刺史張敬忠以狀聞詔授監察御史轉殿中

侍御史會權臣惡直斥去不附己者貶公廬州長史明

年惡直者罷位公稍移武功令未到官病免二十三年

除寧州司馬二十八年遷潁川郡長史初公為御史嘗

以直忤吏部侍郎李林甫至是林甫當國嘗欲騁憾於

我而五府三署每有高選羣公皆昌言稱公全才且各

以臧文竊位自引由是免咎然十年再遷位英華無不位字

離郡佐或勸公卑其道可以取容於世公曰可卑非道

也屈伸天也非人也人如予何天寶元年加朝散大夫

二年七月七日寢疾終於位春秋五十七位不尊壽不

遐志不行善不報其英華作與直虛語守道者相弔以為痛

是歲八月殯于郡東至德二年歲次癸酉按通鑑目錄當作丁酉

十月十有英華無有字四日權遷窆于洛陽龍門山西岡大

歷四年五月十三英華作二日詔贈祕書監命卿之位錫于

身後嗚呼哀哉夫人河南洛陽人也薛國長孫覽之元

孫咸陽縣英華無縣字丞諱頓英華作類府君之女左英華作右金吾

將軍諱子哲府君之妹稟天元和生知孝慈含德之厚

與坤體合執笄助祭四十餘載人莫見夫人喜怒之容

躬歡英華作勤是順承動協英華作合禮經宗族以睦長幼以序

無言無為化成於家公之加命服也夫人封封英華作雍邱

縣君汜等既孤夫人棄采蘋之度修釋氏教受正觀法

於長老英華作者比丘尼上方服勤一年得四念處三昧視

去諸結猶棄涕唾至德二年隨子東征明年歲在甲戌

七月二十四日終于會稽享壽六十有四八月某日權

殯于雷門之南汜巨及正等遭天不弔無恃無怙英華作無

怙無以世故坎壈不克遷耐者十一年矣欲報顧復天

胡有極今年問宅兆于前都水使者張係係卜甘泉東

伊水西甘泉鄉之原吉謹以歲次己酉秋七月壬午遷

公夫人靈坐合英華有安字厝于此原猶懼陵谷世人四字英華

作人世之不我期也故不敢不志效血勒石以遺後嗣

唐故潁川郡長史贈祕書監獨孤公第三子愷墓

誌

唐天寶元年歲次壬午潁川郡長史府君第三子曰愷
寢疾卒于潁川至德二載冬十月四日權窆於洛陽龍
門西山大歷四年五月十二日詔追贈潁川府君祕書
監是歲七月壬午遷宅兆于壽安甘泉鄉之原以君之
喪葬於塋之左禮也君沈毅果斷聰敏好學弱歲專左
氏春秋工於畫尤善音律圖書之奧靡不深究性倜儻
達節不欲以細行竊名志氣方遠未仕不幸多病年纔
二十二而歿脩短之經聖人罕論岡塵顏冉茹恨何言
嗚呼

唐故浙江東道節度掌書記越州剡縣主簿獨孤

丕墓誌

皇唐故潁川郡長史贈祕書監河南獨孤公遷宅兆于
壽安縣甘泉鄉之原公第五子丕陪葬于塋之西序第
三兄愷墳在右第六弟萬墳在左三穴齊列如平生侍
立之序禮也丕字山甫少聰明有志操好學博古年十
五能屬文祖述典謨實而不華有古人風彩至若探綜
圖緯推步六甲臬天歷象太乙之奧悉究其趣尤好黃
老道與脈藏榮衛之數奉之以爲衛生之經每餌藥鍊
氣謂丹砂可學乾元二年從季父峻爲御史中丞都督
江東軍事盛選僚佐表爲剡縣主簿軍書羽檄悉以諮

訪觀其志氣遙遠沖然有騁長途致青雲之勢不幸短命臥疾累旬卒于會稽春秋纔二十三位不過部從事其宏識明略真氣妙用藏於身而未形也世無得而稱之矣嗚呼哀哉是歲乾元三年歲次己亥秋九月也臨歿歎曰孝道以冀全真策名期于顯親未中道二志俱棄命也夫是月也殯于雷門之南先夫人壽宮之傍行已十年反葬此宮無兒可以主祭悲孰甚焉故月而日之以備朽壤洒淚紀德哀罔有極

唐故潁川郡長史贈祕書監獨孤公第六子萬墓

誌

萬潁川長史府君第六子性專靜內敏有幹局多才藝嗜學好古誦老聃莊周之書究其大略懼于多難未遑筮仕乾元三年夏六月與昆弟同侍板輿將如吳遇疾歿于楚州春秋二十九七月殯於廣陵山光南之西大歷四年五月詔贈潁川府君祕書監是歲七月壬午奉遷神座令耐于壽安縣甘泉鄉之原先是萬之喪至自廣陵是日陪葬于塋西隅禮也夫惟夭壽之數雖聖智所無柰何今尅石志美冀其名之悠久也

唐故亳州刺史鄭公故夫人河南獨孤氏墓版文
夫人河南洛陽人也其先劉氏出自沛獻王輔其裔孫

因山命氏中復劉自獻王十九世至齊行臺尚書令永業始復為獨孤氏自臨川至潁川郡長史府君六葉明德道炳于世夫人潁川府君長女性聰略有志尚寬仁慈順加之以明柔而不惑儉必中禮歸鄭氏生二男二女而寡男始孩女未亂鞠而育之導之義方長男曰季華次日子華既長皆敦閱詩禮被服文行時人稱夫人善誘善教乾元三年因洛陽再擾隨子北征永泰二年某月終于鉅鹿郡享年若干嗚呼仁而宜壽慈儉宜福二者反是為善者惑焉初夫人少因有行思歸寧而不得晚值多故去邦族而無復由是終身有遠父母兄弟

之痛焉臨終故謂

二字吳本作顧

其子葬我必於先夫人之壙

季華等泣奉遺旨大歷三年歲在戊申以夫人之喪至自鉅鹿冬十一月庚寅反葬洛陽龍門潁川府君塋兆之側夫人之志也及敢書伯姊之德銘諸墓石云

前左驍衛兵曹參軍河南獨孤公故夫人京兆韋

氏墓誌

夫人諱某字某楚王交傳孟齋孫唐許州司馬皎曾孫

渭南

英華有縣字

主簿懿

唐世系表及英華皆作懿

之孫兗州金鄉縣尉

商伯季女祕書省著作郎

英華有偉字

睦州刺史儻之妹其

先自彭城郡徙京兆從丞相賢後九世至本州大中正

穆始有東西眷之號二十三世至徵士履居魏周二代
出不降志處不隨英華作遁俗時人號為逍遙公夫人之七

世祖也逍遙公生民部尚書建世系表作達安公世恭世系表作

璣字世恭建安生上大將軍宋州刺史仁祚表作仁祚乃仁基之子本脫祚

字据表增仁基乃世恭之弟也將軍生給事中旅即英華有為字許州之禰

也夫以四言之遺直一經之餘烈十徵之高風焯于古

今英華作今古宜其秉哲垂懿百代不隕地之華望之崇與

春秋之唐杜范氏漢晉之袁楊王謝侔其熾大矣哉二

英華作三是十八葉之明德茂祉降衷于夫人故孝慈貞儉

溫惠淑慎文敏好禮三者皆天機生知不待師訓而至

廣德二年夏六月歸于我衣服飲食躬自菲薄夙夜戒

敬致孝于苻菜接娣姒以謙馭幼賤以敬敦善勸義恕

不知而矜不能喜怒未嘗見英華作形于容止也其德禮所

化宗族以睦兒童知讓生十子四歲而夭大歷四年夏

六月癸丑再孕不育乙卯歿于舒州春秋若干仁厚英華作

作人而不福德備而不壽是天不惠于我家也向使錫

厥永年正家承筐宜爾子孫百祿英華作福是享非夫人曷

歸啓手足之日長幼號咷外姻內姻英華作內親疎英華

無二皆行哭失聲也宜哉是歲九月甲申以輶袞裳帷

遷于洛陽十一月丁酉英華作丁巳是安宅兆于舅姑先塋之

西南隅恐時逝事遷景行不貽于後故刻石以志卒葬且謹而日之

殤子韋八墓誌

殤子河南獨孤氏小字韋八以其弱而未名也故以字稱北齊司徒行臺尚書令臨川郡王七代孫左驍衛兵曹參軍公之元子祕書省著作郎京兆韋儼二字英華作儼之甥生有奇表溫明英華作朗聰秀覃訏于保姆傅婢之手巋然異于凡童氣閑體和取予必時諸父諸姑英華作母每謂興我家者必此兒也賓客之至者看玉人不暇倘英華有蒙字假以壽命則成器致位未易度也不幸多病大歷六

年歲次辛丑

懷玉按代宗改元大歷歲在丙午六月二十二

月二十二日殀于舒州壽止

英華作亥是集作丑非五歲四四字誤英華作三是十

甲子長幼惋毒六姻悼惜嗚呼天將不昌吾後裔乎不然曷使此孩不至於成歟大歷八年夏四月十六日以其喪歸葬于洛陽祔于王父母英華無母字宅兆之側其仲父銜涕書其始終紀于墓云

唐故大理寺少卿兼侍御史河南獨孤府君墓誌

銘并序

府君諱嶼河南洛陽人

英華有也字非漢世祖光武皇英華無皇字

帝第二子沛獻王輔之昭也齊臨川郡王河陽道行臺

僕射洛州刺史永業府君五代孫國朝明威將軍文惠

府君第二子越州都督浙江東道節度觀察處置使兼

御史中丞左英華作右金吾大將軍峻府君之季弟也聰明

仁恕專直寬信擾而毅溫而屬弱冠筮仕以藝即戎藏

器安卑非其志也天寶十四年安祿山反朝廷以淮淝

英華作服海沂三吳咽喉宜擇良佐以貳藩鎮命府君為泗

州長史無何換濼英華作徐非濠二州倅戎備參吏職忠敏

英華作毅肅給所莅英華作局繫賴御史中丞崔公昭之尹河南

也盛選僚佐表府君為太常丞兼殿中侍御史營田判

官使罷轉湖州別駕大歷五年崔公受詔持節牧宣歙

池三州府君復為從事以太子右諭德兼殿中侍御史

遷大理少卿兼侍御史謂方宜民宜入祿與壽俱遭命

不淑春秋五十五英華作九而殞是歲大歷九年春三月二

十四日也英華增也字据夫人隴西李氏以柏舟之誓提攜諸

孤某等奉府君之喪言歸洛陽某月日英華有窆于某

原禮也府君少孤事兄嫂以友悌稱在家在邦言信行

果居官祇事強志能力及其冠法冠佐太府上以勤恪

一作勳略周爰成務下以明誠勞謙英華作勞應物和

禮正家敦睦族姻自疎及親必慈必愛而命不我與年

未下壽夭天其英華作是極嗚呼哀哉初府君之金吾伯兄

擁旄浙英華東也拔崔公於羣吏英華之中升為軍

司馬推誠委政之分猶晉得韓厥宋得子罕及中丞之

開府辟掾府君為首既而府君之喪也中丞哭之慟贈

賻賙給加于人一等由是稚子孀妻得奉喪而西三月

而葬禮無違者賻布之餘足備祭器君子謂金吾之明

哲貽厥兄弟宣州之交情見于死生知己之道斯其行

者鮮矣及敢不以直詞書仲父之美于墓石其辭曰

叔父懿德承家令儀惠迪哲兄踐修靡違移治于官發

迹淮沂及佐皇華亦繡其衣天子命我再參軍機駱馬

擘擘所從其誰顯允君子為諸侯師府君委質咨諏載

馳式壯其猷耄未及之陰陽為寇子鵬洽英華期昔也

陟岡哀哀永思今也反英華真匪公曷依伯兮叔兮今

乎已而他年九原公誰與歸

昆陵集卷第十終

